

Reglamaint pel tir da schaibgia Parnarsura Sent

1. Definiziuns generalas

- a) Il pled chatschader (s) vala eir per chatschadra (s)
- b) Il pled chatschader (s) vala eir per oters interessent(a)s per l'utilisaziun dal tir

2. Traffic

- a) Per traffichar cun veiculs a motor tanter la cruschada pro la chava da glera ed il tir da schaibgia, esa necessari dad üna vignetta dal cumün da Sent.
- b) La vignetta da di as poja retrar pro'l camping, la vignetta da tuot on as poja retrar pro'l büro cumünal.

3. Dret da trar

- a) Il dret da trar han be chatschaders culla commembranza A e B.
- b) Na commembers da la società da chatschaders Tardanna, però domiciliats a Sent, ston pajar pel dret da trar üna indemnisiun annuala da fr. 50.-- a la società.
- c) Chatschaders d'utrò sainza commembranza da la Società Tardanna nun han ingün dret da trar.

4. Temps per trar

- a) I das-cha gnir trat be dürant ils seguants uraris:

dals 1. mai fin 30 november	il mardi e'l venderdi da las 17.00 fin las 20.00
dürant l'avuost fin al cumainzamaint da la chatsch'ota implü	la sonda da las 9.00 fin las 12.00
- b) Dürant il temp da chatsch'ota es avert il tir mincha di.
- c) Per concurrenzas da tir da la Società das-cha gnir utilisà l'implant eir ad oters uraris. Per talas concurrenzas sto gnir dumandà ün permiss al Cussagl cumünal.
- d) Dürant il ulteriur temp esa scumandà da trar a schaibgia.

5. Ütilisaziun dal tir

- a) Avant co cumanzar a trar esa da montar las binderas
- b) I das-cha gnir trat be devant da l'intern da la chamonna süllas schaibgias
- c) Las patronas ed oters insuos-chamaaints sun da ramassar ed allontanar
- d) Il tir sto gnir laschè inavo in bun uorden

6. Responsabilità

- a) Mincha chatschader es responsabel per la sgürezza da trar (eir invers terzs) e sto tgnair aint quist reglamaint
- b) La società es responsabla cha quist reglamaint vain tgnü aint
- c) Ledschas superiuras sun impegnativas
- d) La società es responsabla cha la chamonna da tir vain drivida e serrada

7. Mantegnimaint

- a) La società es responsabla pel mantegnimaint dal implant da tir cumplet

8. Publicaziun

- a) Il reglamaint vain tachà sü pro'l tir da schaibgia (dadaint e dadoura)
- b) Publicità sul internet
- c) Po gnir retrat pro la società

9. Multas

Per cuntrafacziuns poja gnir multà seguaintamaing:

Art. 2	tenor uorden da trafic cumünal
Art. 4	tenor ledscha da pulizia
Rest	tenor uorden superiur

10. Aintra in vigur

I reglamaint aintra in vigur als

Pel Cumün da Sent

Il Capo

l'actuar

